

COVID-19 gabiingwebchigan nikaazang: Owi nikiiyaa weweni ezhi biiskaman gdo gabiingwebchigan

Apii aagwiitosijigaadeg newen aanin bkaan e'giikimigaadeg bemaadizijig mina bimaadiziwin naagjigewinan, weweni e'zhichigaadeg, weweni e'minakigaadeg miinwaa gagwek nikiiyaa biiskigaadeg gabiingwebchigan adaa naadmaagemigad awii nigaashimigowin miinwaa aanin bekaanzijig awii bwaa iniwe-diziwaad owi COVID-19. Manjigwa iidik dnowaa gabiingwebchigan enkaazyin, weweni minakigaadeg aawan memaanji gagwekwendaagwog ezhi nakiimigag.

OJIBWE DE L'EST / OJIBWE EASTERN

Owi nikiiyaa weweni ezhi biiskaman gdo gabiingwebchigan



Gagwekwendan gdo gabiingwebchigan moshki giba-gaadeg g'jaansh, g'don miinwaa g'daamkan.



Naandowi gikendan endagwen gego aji daweaag g'dengwaaning miinwaa gabiingwebchigan.

- Naandowi gikendan owi shpiming, shiwewiing miinwaa niisawiing gdo gabiingwebchigan.
- Naandowi gikendan owi jiigiwiing gdo gabiingwebchigan gego nodin zaagjibideg miinwaa naawisidon giishpin dowendaagwog.



Nanaawisidon gabiingwebchigan enkaman awii baapizikaamigag miinwaa gaawii gego tesinag daweaagin.

- Naawisidon dikobijiganan, zhiibigshkaaginan maage toganing baamskosing.
- Naawisidon zhiibigshkaamigag ojaanjing etemigag.



Aanin bkaan nikiiyaa awii giikinaman gabiingwebchigan epiichi minakaman digosinon:



Dikobidon aapidaapkaan zhiwe newen atoganing baamskosing.



Negwegiiganan newen shiwewiing gabiingwebchigan woshme weweni awii desiingsing gdengwaaning.



Nikaazan gabiingwebchigan gazickimigewin maage aaswaakan awii baabsikaag.



Aagwiitosidon weweni menkigaadeg gaawii mashkiki gabiingwebchigan agijiwiing owi e'webinigaadeg gabiingwebchigan awii naadmaagemigag gagaandinigaadeg owi jiigiwiin owi e'webinigaadeg gabiingwebchigan woshme beshaa gdengwaaning.

- Gagwekwendan gashkitowin awii wenpanag nesewin apii biiskaman niish gabiingwebchiganan.



Dibiwegendan awii mozhiman miinjis gdengwaan maage dikwaamigag giishpin gashkitowin, zaam maandaa bagidinigemigad owi gabiingwebchigan woshme beshaa gdenwaaning awii temigag.

Gagweji naagjigewinan owi gabiingwebchigan awii minakigaadeg

Weweni menkigaadeg gabiingwebchigan adaa:

- adaa ade anigikwaa kina miinwaa mino zhayaamigag gibiman ajaansh, adoon miinwaa daamikan bwaa dawewaag
- gaawii gego nodin awii zaagjibideg zhiwe jiigiwiing
- awii mashkosing gidibaang newen dikobijiganan, zhiibigshkaaginan maage toganing baamskosin
- mina zhayaamigag miinwaa gaawii dowendaagosinag wewiiba naawisijigaadeg
- Gnowenjigaadeg izhinaagwog shkwaa gziibiginigaadeg miinwaa baasigaadeg (newen goweta aanji nikaazang gaawii mashkiki gabiingwebchiganan)

Wenaamjigaadeg weweni menkigaadeg gabiingwebchigan

Apii wenaamjigaadeg gabiingwebchigan, owi ezhi minakigaadeg gichi piitendaagwod. Makwendan:

- Enkigaadeg owi gabiingwebchigan nowonj aawan dibegenjigaadeg enigokwiingewin miinwaa ezhiingewin
- Gabiingwebchiganan temigag zhiibigshkaamigag ojaanzhing etemigag gnimaa adaa miigwemigad woshme minakigaadeg zhiwe ojaanzhing
- gabiingwebchiganan temigag dikobijiganan maage zhiibigshkaaginan gaataawiing shkwe-aang gdibaang woshme adaa miigwemigad woshme minakiman.
- Giishpin wenaamdaman owi atoganing baamskosing, nikaazan bezhig temigag age aanjitowin ezhising atoganing baamskosing, maage nikaazan wiindamaagewinan maampii etegin niisawiing awii giikinaman epiichi minakaman gdo gabiingwebchigan
- meshkodonaamiwinan mazingwaade awii baapizising zhiwe gdengwaaning, gnimaa adaa miigwemigad woshme weweni minakamaan owi dash mashkiki gabiingwebchigan
- owi meshkodonaamiwin baaskigaadeg odenaang gaawii dowendaagosino minakigaadeg ndakenjigewin

Maanda giikimigewin onji aawan bamaadizijig miinwaa **gaawii** newen nankiiwin mina bimaadiziwin onji, e'digosin mina yaawin gnowenjige gamig yaawong. Woshme awii gikendaman: Canada.ca/coronavirus



Gouvernement du Canada

Government of Canada

Canada